

unum fossatum à capite Villæfranchæ usque ad caput Summæ Campanæ. Et eo Anno Fossata Campanæ Veronæ facta fuerunt à Domino Massanorum Tombæ usque ad Insulam Comitum, quæ dicitur nunc de la Scala, ne Comes Rizardus transiret de Mantua ad Sanctum Bonifacium. Et eo Anno nono Aprilis Castrum Villæfranchæ traditum fuit Mantuanis à Silvagno servo Advocati de Clavica, custodibus ipsius Castri euntibus & recedentibus salvis & liberis cum bonis & personis eorum. Et XIV. Aprilis Advocatus predictus de Clavica aufugit ad alteram partem timore Domini Icerini de Romano. Et eo Anno Henricus de Gazo, Bonzenelus de Gazo, & Cosmi Domini Leonis de Carcere, per tormentum in Nogaria mortui sunt per Dominum Icerinum propter Castrum Gadii, quod tradiderunt Domino Turfendo, & Mantuanis. Et eo Anno Castrum Nogariæ fuit reedificatum, & Comes Bonifacius de Panico, Bartholomæus Abriani, Jacobus & Otto de Frabaldis, & multi alii proditores capti fuerunt, & in vinculis positi in Verona, & Bartholomæus Frabaldus, & Albertinus de Piris existentes in exercitu cum Domino Icerino ad Castrum Franchum, fugerunt in eo Castro timore ipsius Domini Icerini. Eodem Anno die VII. Julii Bonifacius Comes de Panico in Padua mandato Domini Icerini fuit decapitatus. Et eo Anno Castrum & Turris de Gazo Bartholomæi de Adriano, & domus Albertini de Piris & Turris Albertini de Castellano, & casamenta Albertini Siligæis fuerunt dirupta. Et VI. Julii Turres & Domus Leonis & Punctnelle à Carceribus, & Turris & Casamenta Henrici de Gazo, quæ erant in Castello Veronæ, fuerunt incise & projectæ, & Bartholomæus Abriani mortuus est in tormento Veronæ. Et XXII. Julii Castrum Sancti Michaelis à capite Tejoni captum fuit à Mantuanis, & à Comite Rizardo. Eodem Anno die primo Augusti Dominus Turfendus fecit comburi Castrum Gadii. Et eo anno Mantuani, Azo Marchio, & Rizardus Comes cum eorum exercitibus, & aliis Lombardis cum eis per Joannem de Scanarola XII. Februarii, Et eo anno XXX. Martii Dominus Icerinus pro Comuni Veronæ, & Potestas Mantuæ pro Comuni Mantuæ, unanimiter conveniunt de relaxando omnes carceratos, qui erant in carceribus Veronæ & Mantuæ; quod factum fuit inter Insulam, & Castellarium; & sic relaxati fuerunt omnes XXVIII. Septembris. Et eo Anno Mantuani, Comes Rizardus cum Veronensibus extrinsecis, & Azo Marchio Estensis cum Ferrariensibus pugnaverunt ultra Mentium cum Domino Icerino & Veronensibus intrinsecis, & ex utraque parte multi capti & mortui fuerunt, & plures equi propter nimium calorem suffocati sunt. Et Tassaferrus, & Octolinus de Riva ea vice capti, & in carceribus Veronæ mortui sunt. XV. Junii. Et eo Anno Dominus Icerinus emit Turrim, & Casamenta quondam Gfoti, quæ contra fuerat Fidentiorum, & totum illud, quod Dominus Joannes de Palatio habebat, & tenebat in Verona, & ejus Districtu tam in Vassallis, quam in aliis rebus mobilibus, & immobilibus pretio MD. librar. denariorum Veronensium parvorum. Et eo Anno Thomaxinus de Grazana fuit Potestas Ceretæ. Eodem Anno Dominus Fredericus

Et eo anno Icerinus de Igna ex mandato domini Icerini de Romano fuit potestas Veronæ.

A Imperator cum magno exercitu venit de Apulia, & Cremonenses cum militibus suis, Dominus Icerinus cum militibus Veronæ, Paduæ, & Vicentiæ una cum dicto Imperatore iverunt in obsidionem Civitatis Parmæ, & ibi steterunt per medium Annum, & eam minime habuerunt, Quoniam Gregorius de Monte Longo Legatus Domini Gregorii, præterea Rizardus Comes Sancti Bonifacii, Bernardus Rolandi de Rubeis de Parma, virtute Romanæ Ecclesiæ erant in dicta Civitate pro defensione ejusdem. Et similiter Albericus de Romano, Bianchinus de Camino, Azo Marchio Estensis, & multi Lombardi, & Marchiani, cum maxima comitiva erant in Terra Breselli Districtus Parmæ à capite Pontis Padæ, & ab alio capite dicti Pontis erat Entius Rex filius ipsius Imperatoris cum Parmensibus extrinsecis, defendentes, & evitantes quod victualia non intrarent in Parma. Et finaliter Lombardi, & Domini nominati, qui erant in servitium Parmensium intrinsecorum, violenter ceperunt Pontem predictum, & victualia miserunt in Parma; propter quam causam dictus Imperator fecit de novo edificari aliam novam Civitatem, quam appellavit Victoriam, quæ Civitas erat sita inter Parmam, & Burgum Sancti Domini, & post parvo tempore transacto post hanc edificationem dictæ Civitatis dictus Delegatus Domini Papæ, & alii intrinseci Parmæ dictam Civitatem ceperunt, & explanaverunt, magna auri, & argenti spolia depredantes, & multos Saracenos, qui intus erant, mortui gladio, Imperator versus Cremonam fugam dare coactus est.

MCCXLVIII. Diatalinus de Cauriastico fuit Potestas Veronæ. Et Fredericus de la Scala eo Anno fuit Potestas Ceretæ, & Dominus Icerinus de Romano cum Populis Veronæ, Paduæ, Vicentiæ, Feltri, & Belluni ivit ad Castellarium Districtus Mantuæ, & ibidem per Villas Mantuanas maximum gustum fecit, & cepit Cepatam Mantuæ, stando in dicto Districtu Mantuæ per unum Mensem vel circa de Mense Octobris, & plures captivos Veronæ in captivitatem duxerat conduxerunt.

MCCXLIX. Rex Francus filius Imperatoris Frederici existens apud Mutinam pugnavit cum Bononiensibus, & in dicto bello idem Rex subcubuit, & captus est, & in vinculis aureis in Bononia captivatus est, & cum eo captus est Boxius de Dovaria, de Cremona cum pluribus aliis suis, & militibus pluribus de Mutina; & statim Mutinenses dederunt, & submiserunt se Bononiensibus propter conflictum receptum ab eis. Eodem Anno Arabus de Montefello existens Rector Veronæ, Dominus Icerinus cum Populis Veronæ, Paduæ, & Vicentiæ ivit ad Terram Estensem, & eam habuit proditorie pecunia mediante per Vitalianum de Aroldæ XI. Septembris, & ea die Rocham dictæ Terræ obsederunt, & ibi steterunt per duos Menses circa dictam Rocham cum XIII. manganis grossis, in ipsa Rocha die noctuque manganantibus; & ipsam ceperunt, & totam destruxerunt, excepta Turte, quæ remansit pro custodia, salvis personis, quæ intus erant, libere relaxatis. Et eo Anno Custodes plures dimisit, & stare fecit die noctuque per unum Annum, & ultra circa Rochas Cerri, & Caltoni, ne aliqui de parte Marchionis Estensis possent in eas Rochas cum victualibus intrare; & fossata fieri fecit.

Veronensibus & et Paduanis et Vicentinis

obtinere potuerunt.

F. pape

x. eue deu cot.

illo x. Enticus

dicti

miterentur qd

Victorie

Vet. Vingulantes

p. 59.

VIII. Henricus

in captivitate conductus

Boxius de Donaria

multis

hos unquam factum fuit

negat illorum.

et civitatem Mutine

Aleandus

p. 60.

terram & sibi traditam

> om.

LC

Et eo anno Icerinus de Igna ex mandato domini Icerini de Romano fuit potestas Veronæ.